



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-45-2-2513/23

Datum: 23.11.2023. godine

Na osnovu člana 15. Zakona o principima lokalne samouprave („Sl.novine Federacije BiH“ broj:49/06 i 51/09) i člana 30. Statuta Općine Tešanj („Sl.glasnik Općine Tešanj“ broj: 11/07) Općinski načelnik raspisuje

**JAVNI POZIV**

za prikupljanje ponuda za postavljanje reklamnih materijala  
na stubove javne rasvjete

**I**

Raspisuje se ponovljeni Javni poziv za davanje na korištenje nosača reklamnih panoa na stubovima javne rasvjete, namjenjenih plakatiranju, odnosno postavljanju reklamni materijala koji predstavljaju preduzeće-firmu, neki proizvod, najavu nekog događaja, predizborni materijali političkih partija, oglasi humanitarnog karaktera i sl. reklamni materijali koji nisu uvredljivog sadržaja po bilo kom osnovu.

Na stubu gdje se nalazi jedan reklamni pano moguće je postaviti još jedan pano istovjetnog izgleda. Visina od kote terena mora iznositi 2,50 metra na dijelu pješačkog saobraćaja, a na dijelu saobraćaja motornim vozilima 4,50 metra. Po prestanku zakupa dodatno postavljeni nosači reklamnih panoa ostat će na korištenje Općini.

**II**

Unutar konstrukcije reklamnog panoa postavlja se oglašavajuća poruka koja mora biti dvostrana, izrađena od materijala otpornih na vanjske uticaje. Reklamne panoe treba držati uredne i u ispravnom stanju na način da isti ne narušavaju vizualni izgled grada.

**III**

Korisnik će postavljene reklamne panoe koristiti 2 godine od dana sklapanja ugovora, odnosno od 01.01.2024. godine.

Po isteku roka korištenja dužan ih je ukloniti o svom trošku, te dovesti u stanje u kakvo je bilo prije početka korištenja.

**IV**

Korisnik se obavezuje osigurati za potrebe Općine Tešanj 2 panoa na svakoj dionici tokom cijelog ugovora o korištenju, te besplatno postavljati i održavati reklame po nalogu Općine.

Općina Tešanj zadržava pravo postavljanja transparenta preko saobraćajnice kačenog na stub rasvjete, odnosno to pravo nije predmet ovog poziva niti kasnijeg ugovora.

**V**

Na javni poziv se mogu prijaviti sva pravna i fizička lica registrovana za obavljanje reklamiranja i plakatiranja. Ponuđači su dužni u ponudi navesti visinu godišnje naknade sa PDV-om za korištenje nosača reklamnih panoa na stubovima javne rasvjete.

Početna cijena korištenja postojećih nosača **na jednom stubu rasvjete**, sa uključenim PDV-om je:

1. prva dionica 1.800,00 KM godišnje (Kružni tok-MUP, 49 stubova sa 85 nosača panoa)
2. druga dionica 2.000,00 KM godišnje (Tešanj-Jelah, 128 stubova sa 125 nosača panoa)
3. treća dionica 1.400,00 KM godišnje (FAD –Rosulje-most L.M., 36 stubova sa 39 nosača panoa)
4. četvrta dionica 600,00 KM godišnje (Kružni tok-Toplana, 21 stub sa 35 nosača panoa)

Ponuda se može dostaviti za jednu ili za sve navedene dionice.

## VI

Naknada za korištenje se plaća od dana sklapanja ugovora o korištenju, a ugovoreni iznos se plaća unaprijed za godinu dana.

Ponuda se ne može dati za pojedinačni stub javne rasvjete nego samo za sve stubove javne rasvjete na navedenoj dionici. Javni poziv se može provesti i ako na istom sudjeluje samo jedan ponuđač.

Mjerilo za utvrđivanje najpovoljnije ponude je ponuđena visina naknade za korištenje, ako su ispunjeni svi uslovi iz javnog poziva.

## VII

Ponude sa potrebnom dokumentacijom dostaviti najkasnije 15.12.2023. godine na adresu Općina Tešanj, Trg Alije Izetbegovića 1, 74260 Tešanj.

Ponude se podnose u zatvorenoj koverti sa naznakom: **Za javni poziv „Ponuda za korištenje stubova javne rasvjete“**.

Nepotpune i neblagovremene ponude neće se uzimati u razmatranje.

## VIII

Pisana ponuda mora da sadrži:

- ime i prezime, odnosno naziv ponuđača,
- ponuđeni iznos naknade na godišnjem nivou (sa PDV-om),
- rješenje o registraciji,
- izjavu da je u potpunosti upoznat i da prihvata sve uslove iz javnog poziva,

Najpovoljniji ponuđač je dužan potpisati ugovor o korištenju u roku od 30 dana od dana prijema Odluke o odabiru najpovoljnijeg ponuđača. Općina Tešanj zadržava pravo poništiti u cijelosti ili djelimično bez posebnog obrazloženja ili ne prihvatiti niti jednu od ponuda. Najpovoljnijom ponudom smatra se ona ponuda koja uz ispunjenje uslova iz javnog poziva ima najveći iznos ponuđene naknade za korištenje.

**Dostavljeno:**

1. Web stranica Općine
2. Mediji
3. Arhiva

